



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Santos Mensivm Novembbris Et Decembris

Surius, Laurentius

Coloniae Agrippinae, 1576-

VD16 S 10263

Eiusde[m] Historiæ assertio ex Gregorio Turonensi.

[urn:nbn:de:hbz:466:1-77423](https://nbn-resolving.de/urn:nbn:de:hbz:466:1-77423)

NOVEMBER.

418
HIC INSERERE LIBET, OB MAIOREM
HISTORIAE FIDEM, QVAE D. GREGORIVS
Turonensis habet Lib. 2. Historie Francorum,
cap. 7. in hac verba:

Atrila Rex
nictur Au-
reliam ex-
pugnare.

Atilia Hunnorum Rex, à Metensi vrbe egrediens, cùm multas Gal-
iarum ciuitates opprimeret, Aureliam aggreditur, eamque ma-
ximo arietum impulsu nititur expugnare. Erat autem eo tempo-
re beatissimus Anianus in supradicta vrbe Episcopus, vir eximia
prudentia, ac laudabilis sanctitatis, cuius virtutum gesta nobilis-
cum fideliter retinentur. Cumque inclusi populi suo pontifici
quid agerent, acclamarent: ille sis in Deo, moneret omnes in ora-
tione prosterne, & cum lachrymis praesens semper in necessitatibus Domini auxili-
um implorare. Denique ijs, vt praeceperat, deprecantibus, ait sacerdos: Adspicite
de muro ciuitatis, si Dei miseratione iam succurrat. Suspicabatur enim, per Domini
misericordiam Aetium aduenire, ad quem & Arelaten abierat, prius suspectus futu-
ri. Adspicientes autem de muro, neminem viderunt. & ille: Orate, inquit, fideliter,
Dominus enim liberabit vos hodiè. Orantibus illis, ait: Adspicite iterum. Et cum
adspexissent, neminem viderunt, qui ferret auxilium. Ait eis tertio: Si fideliter peti-
tis, Dominus velociter adest. At illi cum fletu & ciuatu magno Domini misericor-
diam implorabant. Exacta quoque oratione, tertio iuxta senis imperium adspicien-
tes de muro, viderunt alonge quasi nebulam de terra confusgere. Quod cum re-
nunciant, ait sacerdos: Domini auxilium est. Intercà iam trementibus ab impe-
arietum muris, iamque ruituris, ecce Aetius & * Theudo Gotthorum Rex ac Tho-
rismundus eius filius, cum exercitibus suis ad ciuitatem accurrunt, aduersumque
hostem ejiciunt ac repellunt. Itaque liberata obtentu beati antistitis ciuitate, Atti-
lam fugant. Haec tenus Gregorius Turonensis, qui etiam postea subiungit, neminem
ambigere debere, Hunnorum exercitum B. Aniani obtentu fugatum esse. Sequitur
nunc in historia S. Aniani:

Post eam è barbaris reportatam viatoriam, S. Anianus lætabatur in Domino,
quòd in tanta calamitate, tamque præsenti discrimine, neminem è suis amisisset, nisi
si quis forte diuinam desperans opem, contra eius præceptum barbaro hosti se vtrò
tradidisset. Tanta autem meritis beati viri post eam viatoriam extitit frugum vber-
tas in Autelianensi territorio, vt magna inde ad superiorem lætitiam fieret accessio.
Biennio indè elapso, multis virtutum ornamentis illustris B. Anianus, post calcatos
seculi fluctus, iam emeritus miles, carnis nexibus expeditus, migravit ad celos, ab
æterno & immortali Rege seculorum amplissima præmia recepturus. Conditus au-
tem est sepulcro ad occidentalem vrbis Aurelianensis plagam in beatissimi martyris
Laurentij æde, vbi meritorum eius præstantiam Christi multiplici miraculorum
gloria declarauit. Postea crescente fidelium deuotione, ad orientalem ciuitatis par-
tem extructo templo insigni, corpus illius eò translatum est, Christo per gente mira-
culorum signis mirificare sanctum suum: Qui cum patre & spiritu sancto vivit &
regnat in secula seculorum, Amen.

In quodam MS. codice hæc annotata sunt, quæ iam sequuntur:

Sanctus Anianus ciuitatis Viennensis indigena fuit, & parentibus nobilibus
oriundus. Cuius germanus sanctus Leonianus, Abbas fuit. Sanctus Ania-
nus in adolescentia videns mundi fallaces diuitias esse, respuens eas, extra
ciuitatem cellam construxit: vbi Deo fideliter seruuit multis annis. Dein-
dè audita fama sanctitatis beati Euurcij, venit ad eum, & demum ei in pontificatu
succedit.

VITA